


**CONVENIO DE COLABORACIÓN ENTRE A AXENCIA GALEGA DE
INFRAESTRUTURAS E O CONCELLO DE OZA - CESURAS PARA A COORDINACIÓN
DO PROXECTO DE MELLORA DA MOBILIDADE PEONIL NA ESTRADA AC-840**

Oza-Cesuras, 14 de abril de 2023

REUNIDOS



Dunha parte, Ethel M^a Vázquez Mourelle, presidenta da Axencia Galega de Infraestruturas, facultada para a formalización deste convenio polo Decreto 173/2011, do 4 de agosto, polo que se aproba o estatuto da Axencia Galega de Infraestruturas.



Doutra parte, José Pablo González Cacheiro, na súa condición de alcalde do Concello de Oza- Cesuras, actuando en virtude das facultades representativas que lle atribúe o artigo 21.1 b) da Lei 7/1985, do 2 de abril, reguladora das bases do réxime local.

Ámbalas dúas partes recoñécense mutuamente na calidade en que interveñen con capacidade legal, suficiente e necesaria para o outorgamento do presente convenio de colaboración e, a tal efecto

EXPOÑEN

Primeiro. A Axencia Galega de Infraestruturas ten entre os seus obxectivos, a mellora da rede viaria de Galicia, a ordenación do territorio e a súa cohesión, de xeito que se proporcione ás persoas usuarias unha rede eficaz, cómoda e segura, fomentando as relacións municipais e intermunicipais na procura e no fomento dun desenvolvemento harmónico.

Entre os instrumentos de planificación que guían a actividade da Axencia está o Plan de Seguridade Viaria de Galicia 2022-2025, aprobado polo Consello da Xunta

de Galicia de 28 de abril de 2022. O seu programa de actuación estrutúrase en retos e en accións, sendo o reto número 1 a “visión cero en usuarios vulnerables: mellora da seguridade dos peóns”, e a acción 1.1, a construción de beirarrúas e sendas peonís.

Segundo. A estrada autonómica AC-840 sofre un estreitamento o seu paso polo núcleo de Oza-Cesuras que impide que sexa usado polo peóns. No punto quilométrico 8+280 o viario estreitase polo paso do tren e fai que só haxa espazo para os carrís de circulación de vehículos. Calquera veciño que precise pasar a pé debe invadir directamente á calzada co perigo que isto supón.

A Axencia Galega de Infraestruturas realizou un estudo de alternativas para determinar a solución máis axeitada avaliando as distintas opcións de conexión e concluíu que a máis eficiente e rápida é habilitar un paso exclusivo para peóns, e no seu caso ciclistas non deportivos, mediante un caixón fincado de formigón baixo a vía do tren. Este sistema ten a vantaxe de evitar afeccións significativas durante a execución das obras ao tráfico viario na propia estrada AC-840 e tamén ao ferroviario.


Ademais para acadar un itinerario peonil continuo e seguro faranse conexións coa AC-840 a ámbolos dous lados deste paso baixo o tren, de modo que queden garantidas as conexións coas beirarrúas de antes e despois do estreitamento.

Terceiro. A senda terá dous treitos diferenciados; por unha banda unha rampla duns 70 metros que irá paralela á vía do tren que se sostará cun muro de formigón armado lateral. E, por outra banda, o paso baixo o tren, unha estrutura de formigón armado duns 16 metros de lonxitude, que permitirá atravesar o noiro do ferrocarril de xeito seguro.

Para a execución da estrutura fincada será necesario realizar un apeo provisional da vía do tren e posteriormente realizar as tarefas de re acondicionamento da vía.

Cuarto. O concello de Oza-Cesuras considera que a execución do proxecto para mellora da mobilidade peonil na estrada AC-840 coa construción deste paso exclusivo para os usuarios máis vulnerables das vías, peóns e ciclistas, suporá unha reordenación do espazo que reverterá nunha maior seguridade e calidade de vida para o conxunto da cidadanía.

Con carácter xeral, a cooperación económica, técnica e administrativa entre a administración autonómica e as entidades locais se regula nos artigos 194 e 195 da



Lei de Administración Local de Galicia. O artigo 194.1 establece que "As relacións de colaboración e cooperación económica, técnica e administrativa entre as entidades locais galegas e a Xunta de Galicia, tanto nos asuntos locais como nos asuntos de interese común, desenvolveranse con carácter voluntario, baixo as formas e nos termos previstos nas leis.". Pola súa banda, o artigo 195 engade que "A colaboración e cooperación poderán realizarse mediante:..... h) A subscrición de convenios. "

Engade o artigo 198 desta lei que "A través dos Convenios de cooperación, as partes poderán coordinar as súas políticas de fomento dirixidas a un mesmo sector, distribuír as subvencións outorgadas por unha delas con referencia ao ámbito territorial ou poboación doutra, executar puntualmente obras ou servizos da competencia dunha das partes, compartir as sedes, locais ou edificios que sexan precisos para o desenvolvemento de competencias concorrentes, ceder e aceptar a cesión de uso dos bens patrimoniais, desenvolver actividades de carácter prestacional e adoptar as medidas oportunas para alcanzar calquera outra finalidade de contido análogo ás anteriores."



Considerando a confluencia dos intereses das partes comparecentes, faise preciso artellar as bases para a óptima coordinación e así regular a colaboración nas súas actuacións para o fin mencionado, motivo polo que se formaliza o presente convenio con suxeición ás seguintes

CLÁUSULAS

PRIMEIRA. OBXECTO

O obxecto do presente convenio é establecer as bases da colaboración técnica e económica entre a Xunta de Galicia e o Concello de Oza-Cesuras que permitan a coordinación da execución e explotación das obras realizadas ao abeiro do proxecto mellora da mobilidade peonil na AC-840 en Oza – Cesuras que van a ser promovidas pola Axencia Galega de Infraestruturas e financiada con o seu orzamento.

SEGUNDA. COMPROMISOS DO CONCELLO

O Concello de Oza-Cesuras asume os seguintes compromisos:

1. Poñer a disposición da Axencia Galega de Infraestruturas, libres de cargas e gravames, os terreos da súa titularidade ou xestionados polo concello necesarios, para a normal execución das obras obxecto deste convenio, así como a reposición de servizos e servidumes afectados que non fosen identificados durante a redacción do proxecto. Dita posta a disposición deberá formalizarse antes da formalización do contrato de obras.

2. Asumir a realización das xestións pertinentes ante os organismos que correspondan, para a obtención dos permisos, licencias e autorizacións regulamentarias, correndo cos custos que se xeren, entre os que non haberá liquidación algunha de tributo municipal a que puidera dar lugar a execución das obras.

3. Asumir, unha vez realizadas as obras, e logo da comunicación da Axencia Galega de Infraestruturas, a titularidade da infraestrutura e, polo tanto, a explotación, mantemento, conservación e demais dereitos e obrigas inherentes á condición de titular.

4.- Utilizar as obras executadas de acordo coa finalidade prevista.

5.- No ámbito das súas facultades, colaborar coa Xunta de Galicia, no desenvolvemento das súas obrigas e afrontar e intentar resolver, conforme aos principios de boa fe e lealdade, calquera dificultade ou problema que poida xurdir no desenvolvemento da actuación, tendo como único criterio da súa xestión o logro dos obxectivos que se pretenden acadar con esta actuación.

TERCEIRA. COMPROMISOS DA AXENCIA GALEGA DE INFRAESTRUTURAS (AXI)

A Xunta de Galicia, a través da Axencia Galega de Infraestruturas, ten a intención de asumir os seguintes compromisos:

1.- Elaborar e aprobar o proxecto ou documento técnico que contemple as obras ás que se refire este convenio, e licitar, executar, dirixir e financiar as obras derivadas daquel.

2. Comunicar ao Concello de Oza-Cesuras a finalización e recepción das obras. A data desta comunicación será a que determine o nacemento das obrigas asumidas polo concello na cláusula precedente, sen prexuízo das responsabilidades que correspondan ao contratista derivadas do contrato de obra.

3.- Formalizar a acta de entrega das obras ao Concello de Oza-Cesuras, no prazo de dous meses dende a data da súa recepción. No caso de que, transcorrido ese prazo, non se teña asinado a correspondente acta de entrega por parte das administracións cedente e cesionaria, bastará con que a primeira a asine unilateralmente, facendo constar o ofrecemento formal, para entender formalizada a cesión.

CUARTA.- COMISIÓN DE SEGUIMIENTO

Constituirase unha comisión de seguimento formada por un representante da Axencia Galega de Infraestruturas e un representante do Concello de Oza-Cesuras para:

- Impulsar e avaliar o cumprimento deste convenio, propoñendo as actuacións que se consideren precisas.
- Interpretar, en caso de dúbida, o contido do convenio.
- Propoñer ás partes a resolución das posibles controversias que puideran xurdir na aplicación do convenio.

Esta comisión reunirse as veces que se estimen oportunas para o cumprimento do convenio e adoptará o seus acordos por unanimidade das partes.

Os membros desta comisión de seguimento poderán asistir ás reunións acompañados do persoal técnico que consideren oportuno. Ademais, cando se considere oportuno, a comisión de seguimento poderá requirir a asistencia técnica necesaria para a avaliación e análise das distintas cuestións sobre as que deban adoptarse acordos.

QUINTA. NATUREZA DO CONVENIO

Este convenio de colaboración ten natureza administrativa, rexendo na súa interpretación e desenvolvemento o ordenamento xurídico-administrativo.

Todo litixio, controversia ou reclamación resultantes deste convenio ou relativo a este, á súa interpretación ou execución, ao seu incumprimento, resolución ou nulidade, resolverase polos órganos da xurisdición contencioso-administrativa.

SEXTA. MODIFICACIÓNS DO CONVENIO

Calquera modificación no contido deste convenio, requirirá acordo entre as partes asinantes e levarase a cabo a través da sinatura de correspondente addenda ao convenio.

SÉTIMA. RESOLUCIÓN

Será causa de extinción automática do convenio:

- o cumprimento do seu obxecto
- o transcurso do seu prazo de vixencia

O convenio tamén poderá extinguirse por incorrer nalgunha das seguintes causas de resolución:

- o mutuo acordo entre as partes asinantes
- a inviabilidade da realización das actuacións descritas neste convenio, por causas non imputables ás partes
- a inviabilidade financeira da actuación como consecuencia de atrasos na licitación e/ou adxudicación das obras.

OITAVA. PUBLICIDADE

A sinatura deste convenio suporá o consentimento expreso das partes asinantes para incluír e facer públicos os datos persoais que consten no convenio, e mailo resto de especificacións contidas no mesmo, de conformidade co artigo 15 da Lei 1/2016, do 18 de xaneiro, de transparencia e bo goberno (DOG nº 30 do 15 de

febreiro) e o Decreto 126/2006, do 20 de xullo polo que se regula o rexistro de convenios da Xunta de Galicia (DOG nº 149 do 3 de agosto).

NOVENA. VIXENCIA DO CONVENIO

Este convenio producirá efectos dende a súa sinatura e a súa vixencia manterase ata a recepción das actuacións polo concello. En todo caso a eficacia do presente convenio estenderase ata o 31 de decembro de 2024.


Así o outorgan no lugar e data do encabezamento, subscribindo o presente convenio por triplicado exemplar.

A presidenta da Axencia Galega de
Infraestruturas



Ethel Mª Vázquez Mourelle

O alcalde do Concello de Oza-Cesuras



José Pablo González Cacheiro